



925001-

- 925102

NATIONAL LIBRARY OF MEDICINE
5101 LADYMAN DRIVE
BETHESDA, MARYLAND 20894

Med. St. Dr.

III

Rationes pro non eligendo Galliae Principe in Regem Poloniae.

1. **N**omen Galliae Principis, *Patruī moderni Concurrentis* de Conti, à temporibus Ludovicæ Reginae formidandum factum Nobilitati, ratione extraordinariae ambitionis Regni nostri, ad quod eligi magnis motibus Princeps de Conti, (nisi excitata Confœderatione militum, impediretur) vivente adhuc Joanne Casimiro contendebat. Quod quàm præjudiciosum legibus fuerit, & liberæ Electioni injuriosum, in comperto est, & facilis conjectura metusq; similium.
2. Ex propositione Principis de Conti Electio in plures distraheretur partes, totaq; misceretur contentionibus, magno Reipublicæ incommodo, exiguo Galliae lucro, cùm etiam modo nomen hoc in majori sit formidine, quàm amore & desiderio.
3. Pias nomen per publicam Confœderationem Reipublicæ à promotione Throni exclusum, ex ea, inter alias, ratione, quia à tot annis probavit Respublica, quantis suis impensis Galliae factionibus toties servire coacta sit à Regnante suo, contra jura Patriæ, ac Pacta cum vicinis Principibus factæ Colligationis, & quomodo de similibus suspectum Principem Galliae eligere debet?
4. Electio Principis Galliarum in Regem Poloniae, esset excitatio sopitarum utcunq; diffidentiarum cum Domo Austriaca, fomentum suspicionum, ac dirumpendæ Colligationis, quæ interrupta, quantis bellis, & incommodis Patriam involveret, quis vel mediocris Statista non videt?
5. Principes Colligati quanto motu Electionem hanc impedire studebunt, ne in continuo metu à vicino Principe factionibus Galliae deserviente cogantur manere. Hinc inodationes Electionis, & Pax Generalis, cujus non vana est spes, per Electionem illius in discrimen vocaretur.
6. Galliae Princeps eliena pecunia inthronisatus, obligatus esset Promotori suo, jam in ejus jussa juraret, cui parere nostris fortunis, & armis cogeretur, forteq; deberet magicum illius hostibus bellare, quàm Patriam defendere, volens se iisdem principiis conservare in Regno, per quæ illud occupavit.

7. Quòd si per milliones notabiles propriæ substantiæ Princeps Galliarum possideret Regnum, revera tanti momenti expensas conaretur resarcire, Quis enim Princeps bene, vacuo regnavit thesauro? & si verò nullas alias conservandæ Politicæ, & potentiæ suæ haberet rationes, fortè sufficeret ista; vilescit Princeps non commendatus ab auro, præcipue cui proles adest. Vnde autem divitiarum copiam, nisi ex inopia subditorum haberet?
8. Milliones quos offert, hîc & nunc, aliquid boni in præsens præstarent Reipublicæ, privatos ditarent. Sed videndum quæ incommoda, quæ vicinorum bella, intestinarum diffidentiarum incentiva post se trahant, quæ centenis millionibus non perficerentur.
9. Redirent certè Ludovicæ tempora imperante nobis Galliarum Principe, unde jam varias Dignitates, & Officia nationali amore suis conferret Gallis, administrationes delegaret, Commissiones designaret, & hinc Civium Reipublicæ depretiationes, contemptus exorirentur, & in Civibus odia Gallorum, & quæ sequuntur ab istis.
10. Ignorantia lingvæ nostratis posset tardare Principem Gallia, à Concurrentia ad Regnum Polonia, quomodo enim cum plerisq; ageret, quomodo pleriq; magis arcana illi, aut Reginae explicarent, quæ plerumq; rudiores sciunt, & communicare ignorantibus lingvam non possent.
11. Circumscriptio Aulae Regiæ ad certum numerum Gallorum nunquam in praxi esset, quæ quanto ad majorem extendere-tur numerum Gallorum, tanto majores contentiones, jurgia excrescerent, ex quibus etiam ad cædes & homicidia veniretur. Pares contentiones æmulationesq; in aula Regi-nali locum haberent, & ex talibus concertationibus præju-diciosæ Bono publico emergerent factiones, ne dicam sedi-tiones.
12. Illud etiam ex justis suspicionibus metuendum est, ne forte Gallia tam magnificis promissis nos lætet, ut tempus extrahat, & alios Concurrentes absterreat, tum postea frustra-tos Polonos, odio & contemptui exponat. Sed & hoc etiã formidandum ne Genium Henrici Defertoris Regni no-stri in se repetat.

Et quoniam non minora ex nonnullis Principibus Germaniæ sequuntur incommoda Reipublicæ, præstat convertere animos ad Majorum Nostrorum consuetudinem, & de Principibus Domus Regiæ assumere unum, scilicet Principem Jacobum,

cobum, qui annorum sufficientiâ, bellorum peritiâ, generosa liberaliq; animi in omnes propensione, alios antecellit, Regiarum virtutum alligatus Sponsæ, quæ tam remota est ab omni factionum suspitione, quàm proxima, omnium testimonio, egregiæ pietati. Et hæc colligatio cum Domo Austriaca mgnum rebus nostris præsidium dare potest, sicut experientia docuit tempore belli Svetici per rationem sanguinis s. m. Casimiri Regis, dati subsidij. Sed aliquid fufius pro Serenissimo Principe Jacobo dicendum.

1. Non est exemplum in Polonia, Regium sanguinem prætermisum ad Coronam, imò quærebatur olim studiosè.
2. Regijs planè dotibus præditus Serenissimus Jacobus, ac in primis notitia status Poloniæ, ac ejus Politix, liberalis, Confiliorû amans, summa sobriette vigilans, Libertatis æstimator & amtor, unde ingenia Polonorum & tractare sciet, & appretiare, non ignarus bene meritorum & mere-ri vlen. ium.
3. Nullis factionibus innodatus; ut per hoc tempus patuit, & si varias in partes traheretur, constantem nihilominus semper se probavit, plurisq; æstimantem pacem Patriæ, quàm locupletissimum ex fctionibus lucrum.
4. Bellicosus, non est quidem manu, sed animo, insignis appretiator virtutis Martialis, præmiator etiam futurus, ubi quod distribuat, habuerit.
5. Nō degener à magno Parête, & si quos forte notabit Respublica in s. m. Serenissimo Parente ejus defectus regiminis, eos certè corrigit, quos imitari olim adhuc renuit.
6. Permittet se facile circumscribi à Republica, ejus nutibus ab antiquo obsequens, pro qua non fortunas tantummodo suas, sed sanguinem & vitam ipsam profundere paratus Filius Reipublicæ.
7. Notitiam Familiarum habens, ac bene meritorum, citiùs, ac faciliùs illas eriget, istos præmiabit, quàm Alienigena, qui à variorum distractus informationibus, honores, beneficia proijciat potiùs, quàm conferet, ignarus ingeniorum.
8. Conferamus Principem Jacobum cum Concurrentibus, etiâ inimicissimus nomini ejus fateri cogetur plus bonæ spei esse ab ejus regimine Reipublicæ, quam ab aliorum, hic enim se ipsum dat Reipublicæ, ut ipsum habeat Patri, suosq; utatur in usus, alij sua offerunt, ut Rempublicam sibi obligatâ, & velut subjuctam pecunijs suis, & ex periculis redemptam, quasi jam eam sui juris habeant.

9. Præfert, quod summè in Principe notandum laudandumq; est, candorem animi, in quo nullæ technæ nullæ, etiam inimicis insidiæ, cum non nisi eorum malefactis irasci sci- at, non hominibus; videtur odisse etiam suspiciones vindic- tæ, liberalissimus injuriarum, & condonator, & contēptor.
10. Regno Libertatis Polonæ talis Rex necessarius, qui regat se- cundū Leges Patrias, vel regatur potius à Legibus, & Repu- blica, cum enim tres Ordines in Polonia Statu includantur Rex, Senatus, Equestris Ordo, ex quibus componitur Res- publica, & sine quibus quo ad publica commoda Rex nihil statuere potest, cum Senatus ac Equestris Ordo habeat libe- ram vocem vetandi, & permittendi, vel ut Tacitus ait, & sentiendi quæ voles, & loquendi, videtur, quod magis Rex à Republica regi debeat, quam eam sine ea regere. Externus autem Princeps sive sit de Conti, sive Elector Bavarus (idē de alijs supponendum) assuetus Regimini Principatum absolutorum, ubi stat pro ratione voluntas, ubi singulorum captivæ mentes in obsequium Imperantis, permittetne se regi à Republica, assuetus condere leges, non servare? Sa- lutarius igitur videtur Reipublicæ eum eligere, qui natus in observantia legum, illisq; assuetus, sine ulla renitentia eas servabit, ut servetur ab illis.

Vltimum, sed primaria consideratione dignissimum Punctum; an non securius feliciusq; Reipublicæ foret milliones aliquot à Domestico Principe, in Reipublicæ commoda certos acci- pere, quam ab Extraneo incertitudine promissionis plurium millionum lactari, qui nescit nisi lucra per lucra quærere. Experientia enim docti sumus, à nemine Extraneorū Prin- cipum, per nos electorum, profusissima circa concurrentiā ad Coronam promissa, etiam in minima parte servata. Et ponamus, quod staret ad præsens verbo, certè tam exiguos milliones, centenis non resarciremus, etiamsi eum, quam maxime Pactis circumscriberemus, Ipse enim vel Nostris fortunis sanguineq; belligerando, vel Justitiam distributivā appretiando, impensarum suarum quæreret, etiam per abrup- ta refusionem, si non sui, certo Prolis suæ respectu, ne ege- at. Non est itaq; prudentis præsentibus gaudere & non præ- videre cavenda, ac metuenda, quæ possint nocere Posteris.

